

Manmin nga mga Balita

NO. 38 ENERO 5, 2014



Ang mensahe ni Senyor Pastor Dr. Jaerock Lee sa sugat sa Bag-ong Tuig sa 2014

“Bangon, sidlak kay miabot na ang imong kahayag, og ang himaya sa Ginoo nagdan-ag na kanimo, tabonan sa kangitngit ang kalibutan, og ang katawhan tikyopan sa kangiob. Apan ang Ginoo mosidlak kanimo, og makita diha kani mo ang iyang himaya. Ang kanasoran moduol sa imong kahayag, og ang mga hari moduol sa lamdag sa imong kahayag.” (Isaias 60:1-3)

Aron matuman ang Iyang probidensya para sa naghinapos nga panahon ang Diyos nga nagtinguha sa kaluwasan sa tanang katawhan nitukod sa Manmin Central Church. Sugod sa pag-abli niadtong 1982 og sa niaging 31 ka tuig, ang simbahan nagpadayon og tuman uban ang pagtoo og ang Diyos nanalangin nato aron sa pagsabwag sa ebanghelyo ni Hesu Kristo ngadto sa suokang bahin sa kalibutan uban ang gahum sa Espiritu Santo.

Sa nilabay'ng tulo katuig ang grasya sa kaluwasan og pagkabalaan gihatag ngadto sa daghang miyembro pinaagi sa mga sakripisyo og debosyon sa magbalantay og tungod ini nidaghan ang tawo sa espiritu og tibuok espiritu og nigiya kini aron sa paghingpit sa hustisya para daghan pang kalag ang maluwas.

Misangpot kini nga ang simbahan nitukod og sistema sa organisasyon basi sa gugma og pagsalig ubos sa dagan sa tibuok espiritu nga maoy nagtugot nga matuman ang kabubut-on sa Diyos. Og sa pagsugod na usab sa lawum nga kahulugan sa Pasko sa 2013, ang Diyos Amahan nilig-on sa espirituwal nga pondasyon aron mailado ang simbahan og ang kamatuoran sa gugma og ang gahum sa Diyos ngadto sa tanang katawhan og sa mga nasod. Among ihatag ang tanang pasalamat og himaya ngadto Niya.

Sa atong pagsugat sa Bag-ong Tuig 2014, unsay klase sa mga panalangin nga giandam sa Diyos para nato?

Una, ang saad nga gihatag sa Diyos matuman gayod pinaagi sa gahum sa magbalantay.

Tungod sa kompletong pagtoo sa mga saad sa Diyos nga

nahisulat sa Bibliya, ang Manmin Central Church niusab sa dughan sa mga tawo pinaagi sa daghang ilhanan, kahibulongan, og sa kahibulongang lihok sa gahum nga nagpamatuud sa gugma nga naghatag sa kinabuhi og nigiya sa daghang kalag ngadto sa kamot sa Ginoo. Ining umaabot nga bag-ong tuig sa 2014, ang mga probidensya nga gihatag sa Diyos ining simbahana pinaagi sa paghatag og gahum sa magbalantay, ang probidensya ngadto sa mga Kristohanong simbahan sa Korea, og ang probidensya sa pagtapos sa panahon ngadto sa tanang tawo sa kalibutan mahibaw-an.

Ika-2, ang gamhanang lihok sa pagpangalagad pinaagi sa panyo nga inampoan sa magbalantay mas aktibo pang ma butyag sa tibuok kalibutan.

Bisan karon ang lihok sa Espiritu gipakita, pinaagi sa panyo sa gahum nga inampoan sa magbalantay. Pinaagi ini, daghang tawong nakaila sa Diyos nakadawat og solusyon sa ilang problema, og nakadawat sa kaayuhan sa ilang mga sakit apil na ang mga sakit nga walay kaayuhan, terminal nga mga sakit og balatian. Ilang gihimaya ang Diyos. Hilabi na gyud sa mga miting sa panyo daghang Buddhist, Hindu, Muslim, og mga Hudeyo nga nidawat sa Ginoo og nibalhin ngadto sa pagka Kristohanon.

Sa pagtubo sa gahum sa magbalantay sa tuig 2014, ang gamhanang lihok sa panyo motubo sad. Og daghang pastor og trabahante ang makatuman sa kabubut-on sa Diyos sa nagkalin-laing lugar sa kalibutan sama sa 10,000 ka mga sanga og nakig ubang simbahan, og ngadto na usab sa tanang suok sa kalibutan.

Ika-3, Iya kitang giyahan sa pagtukod sa 'Shining Sanctuary'.

Sa 2014, ang Diyos mismo mo giya nato aron ang 'shining sanctuary' matukod nga nindot og Iyang giandam ang tanan aron daghang mga kalag ang makaangkon sa kaluwasan ining naghinapos nga panahon pinaagi sa pagpadayag sa Iyang himaya. Gi awthag ko kamo nga mag-ampo diha sa inyong dughan og maningkamot nga makaangkon sa dughan sa espiritu og sa tibuok espiritu aron matukod dayon ang 'shining sanctuary'.

Ika-4, ang gamhanang lihok sa re-creation matinud-anong mahikyad.

Sa Genesis 1:3 nag-ingon, “Unya miingon ang Diyos, 'Motungha ang kahayag', og mitungha ang kahayag.” Sa dihang gihatag sa Diyos ang original nga tingog ang lihok sa pagpamuhat nahitabo. Unya, unsa man ang gipasabot sa lihok sa re-creation? Mao kini ang pagbag-o sa langit og yuta og sa tanang butang ini nga hinimo sa Diyos.

Kaigsoonan ko diha ni Kristo, wala kaba maikag maghunahuna sa gamhanang lihok nga mahitabo panahon sa re-creation nga matinud-anong mahikyad pinaagi sa gahum sa magbalantay! Ang mga butang nga nangahitabo pinaagi sa original nga tingog mabutay unya isip tino nga bunga sa 2014. Pinaagi sa lihok sa pagpamuhat og usab nga maoy mo bag-o bisan sa original nga dughan sa tawo, ako seryosong mo hangyo ninyo nga kamo mahimong tinuod nga mga anak sa Diyos og molibot sa kalibutan uban ang magbalantay! Hallelujah!



Senyor Pastor Dr. Jaerock Lee

Ang Gugma dili Masuk-anon

“Ang gugma dili mapahitas-on. Ang gugma dili mamugos sa kaugalingong kagustohan ang gugma dili masuk-anon.” (1 Corinto 13:5)

Ang ubang tawo dali kaayong masuko kon ang butang o sitwasyon dili mahiuyon sa ilang gusto. Mopakita sa kapungot aron mapadayag ang pagbati.

Ang gugma maoy mohimong positibo sa dughan sa tawo. Sa laing bahin, ang kasuko mopasakit sa dughan og mohatag kini'g negatibo sa kasingkasing. Mao usab kini mohimo aron ang dughan mo itom. Mao nga kon masuko ka, dili ka makapuyo sa gugma sa Diyos og ang imong pagtubo espirituwal hinay.

Kon ang mga anak sa Diyos masuko ang kaaway nga demonyo moduot nila. Ang pagdumot og kasuko maoy dakong hinagiban aron magamit sa kaaway ngadto sa mga anak sa Diyos.

Unya, unsa man ang atong angayan nga buhaton aron makaangkon sa espirituwal nga gugma aron dili masuko og makahatag og kahimayaan sa Diyos isip Iyang mga anak?

1. Ang kalahian sa pagpakita'g matarong nga kapungot og ang pagka masuk-anon

Ang pagkasuko wala lang magpasabot nga mangisog, mo syagit, mamalikas, og maghimo'g bayolente. Kon mo isog ang imong nawong og magmug-ot, kon ang imong estorya dili diretso, kining tanan timailhan sa kasuko. Bisan dili manag pareho ang sitwasyon, mao kini makitang timailhan sa kalagot og sa dughan nga nasakitan. Apan wala kini magpasabot nga kining mga timailhan nga atong nakita mahimo na kitang mo husga nga ang usa ka tawo nasuko. Ang Diyos ra gyud ang makakita sa dughan og wala nay lain pa.

Sa Mateo 21, si Hesus nipapahawa sa mga naninda didto sa Templo. Niadtong panahona, ang mga tawo nagbinayloay og kwarta, namaligya og mga kahayopan didto sa Templo sa Herusalem para sa 'passover.'

Si Hesus malumo nga wala siya makig away o mag syagit og wala gani makadungog sa Iyang tingog dinha sa dalan. Apan sa Iyang pagkakita sa sitwasyon didto sa Templo, lahi ra gyud kaayo ang iyang gibuhat. Iyang gisakmit ang mga higut og gipalupad ang mga hayop. Iyang gipangtumba ang mga lamesa sa tig kambyo og kwarta og sa mga namaligya og salampati.

Sa pagkakita sa kalibutanhong tawo, tingale nakahunahuna sila nga si Hesus nasuko. Apan

adtong panahona dili sa ingon nga nasuko Siya. Apan naa lang siya sa katarong nga kapungot. Iya lang gipa hunahuna nila nga ang pag hugaw-hugaw sa Templo sa Diyos dili gyud mahimo bisan pa og kini gituyo para sa maayong tumong. Kining klaseha sa katarong nga kapungot resulta sa gugma para sa Diyos nga maoy mo tino sa gugma uban ang Iyang hustisya.

Sa Marcos 3, mabasa nga sa Sabbath o Adlaw'ng Igpapahulay, nakita ni Hesus didto sa sinagoga ang tawo nga kimay. Ang mga tawo nagtan-aw kon ayuhon ba ni Hesus ang tawong kimay sa Sabbath aron naa silay ikakiha Niya sa pagsupak sa Sabbath. Si Hesus nahibalo kon unsa ang naa sa daghan sa mga tawo og nangutana, “Unsa bay gitugot sa atong balaod nga angay buhaton sa adlaw'ng igpapahulay. Ang pagtabang ba o ang pagdaot? Ang pagluwas ba sa kinabuhi o ang pagpatay?” (Marcos 3:4) Og wala silay gitubag.

Adtong panahona, ang mga tawo nga daotan nagsulay sa pagpangita og rason aron sa pagpatay ni Hesus nga naghimo lang sa matarong. Mao nga usahay buyagon sila ni Hesus sa inisog. Kini tungod kay gusto ni Hesus nga ilang ma hunahuna og mobiya na sila sa sala. Mao sad ang matarong nga kapungot nga gipakita ni Hesus ngadto sa mga Paraseo, nagagikan kini sa Iyang gugma nga gustong mo pukaw og mo giya nila ngadto sa kinabuhi. Mao kini ang dakong kalainan sa kasuko og sa matarong nga kapungot. Ang kasuko og ang pagbadlong sa tawo nga balaan makahatag og kinabuhi sa kalag.

2. Ngano nga ang tawo masuko?

Ang rason nganong masuko ang tawo, una, tungod kay ang uban dili mo uyon sa ilang kaugalingong hunahuna og dughan. Ang matag usa managlahi og dughan og ideya tungod kay nagdako man mo sa lain-lain nga palibot, lugar og pagtudlo. Ang imong pamatasan og sumbanan sa paghusga dili pareho sa ubang tawo. Apan kung gusto kang manag takdo ang inyong sumbanan, madismaya ka lang og masakitan.

Lain pang rason tungod kay ang uban dili motuman nimo. Kon naa ka sa taas nga posisyon o naghunahuna ka nga mas maayo kaysa uban, gusto ka nga sila mosunod og motuman nimo. Tinuod, natural nga ang naa sa ubos mo respitar sa ilang dako og motuman

sa sugo sa pang gamhanan nga awtoridad, apan dili sako ang pagpugos nila aron sila motuman. Kon ang naa sa taas nga posisyon mamugos aron ang naa sa ubos nila og posisyon mo sunod nalang sa ilang ideya, sa dili pag panumbaling sa ideya sa uban, kana dili sako.

Kon ang tawo madaot og dili maatiman og tarong masuko sila. Kon naa kay daotang buot nila sa walay rason; kon sila mag-antos; kon ang ubos nila dili mosunod sa ilang gusto o mga sugo; og kon makadungog silag bati nga mga pulong o insulto; mao ni mga butang nga hinungdan sa ilang kasuko.

Sa dili pa masuko ang tawo, ang bati nga pagbati motubo og una diha sa ilang dughan. Ang pulong og lihoc sa uban maoy mo hulhog sa ilang pagbati og dinha ang kasuko mo gawas dayon. Kon ang imong pagbati ma apektohan, nagpasabot nga ikaw naa sa ganghaan sa kasuko. Apan kon masuko ta, dili ta makapuyo sa gugma sa Diyos og makahatag kini'g negatibong impluwensya sa atong espirituwal nga pagtubo. Dili ta mabag-o ngadto sa matuud kon kita magbaton og mga daotang pagbati.

3. Ang sangputanan sa kasuko

Sa kaso ni Elisha, nakadawat siya og dobleng bahin sa inspirasyon kaysa iyang magtutudlo nga si Elijah og labaw siyang naghimo sa gahum sa Diyos. Iyang gipanalanginan ang babayeng walay anak aron manamkon, nibuhi sa patay, niayo sa sanlahon, og nibuntog sa mga sundalong kaaway pinaagi sa pag-ampo. Kahibulongan niyang gipakita ang gahum sa Diyos. Apan si Elisha namatay sa sakit bisan pag naghimo siya'g mga nindot nga butang sa iyang kinabuhi. Unsa man ang rason?

Sa dihang si Elisha niadtong sa Bethel. Nisugot niya ang mga batan-ong lalaki og nagbugal-bugal niya, sa pag-ingon, “Pahawa dinha, upaw! Oy, upaw, pahawa!” sa 2 Hari 2:23 tungod kay si Elisha gamay ra og buhok og dili gwapong tan-awon. Giayo niya og sulti ang mga batan-on nga dili na magbugal-bugal og usab apan gihimo gihapon nila ngadto niya og mas labaw pa. sa dihang dili na ma agwanta, gitunglo niya sila. Unya 2-ka babayeng oso ang mitungha og gikunis-lunis ang 42 ka mga batan-on.

Kining insidenteha nahitabo tungod sa grabing pag panamay sa mga batan-on, apan

nagpakita ni nga si Elisha naay pagka daotan og bati nga pagbati sa iyang dughan. Kitang mga anak sa Diyos dili gyud mag masuk-anon. Kay sama sa nahisulat sa Santiago 1:20, “Ang kasuko sa tawo dili makatabang sa pagkab-ot sa matarong nga katuoyan sa Diyos.”

4. Aron dili masuko

Ang 'spring' makapundo og enerhiya og kusog kon kini gipiit, mo ulpot kinig kalit kung buhian. Mao sad, nga kon imong pugngan ang imong kasuko, tingali imong mapalabay ang panahon sa kalisod apan moabot nga ang imong kasuko mobuto. Aron dili masuko, kinahanglan atong palayason ang daotang pagbati nga maoy motugot sa atong dughan nga masuko. Dili ang pag piog sa pagbati, apan ang pagpapahawa sa tanang ngil-ad nga pagbati, og unya itukod ang pagkamaayo og ang gugma diha sa atong dughan.

O tinuod, dili sayon ang pagpapahawa sa bati nga pagbati og ang pagpuno sa atong dughan sa kamaayo og gugma, pinaagi lamang sa tibuok gabii. Ato kining padayunon kada adlaw. Una, kon mag atubang ta og sitwasyong nga atong ikasuko, atong tun-an ang atong kaugalingon nga dili masuko. Aron dili ka magmahay og dili ka maulaw inig human.

Kon kita mapailobong mo lungtad aron maabot ang espirituwal nga gugma pinaagi sa tabang sa Espiritu Santo, moabot ra nga kita makapapahawa sa daotang pagbati nga maoy gigikanan sa atong kasuko. Ang pagsigi og kasuko mo kunhod gikan sa ka 10, mo 9, mo 8, og paubos pa. Unya sa kadugayan moabot ang kalinaw sa hunahuna bisan pa og lisod-lisuron ka sa ubang tawo.

Mahal kong kaigsoonan. Nag mapaubsanon kaba sa imong igsoon sa pagtoo bisan sa sitwasyon nga masuko ka ngadto pa gani sa simbahan, apan dali kang masuko sa inyong panimalay o trabahoan? Ang Diyos wala lamang nagpuyo sa simbahan! Gihimo kitang templo sa Diyos og Siya perming nag uban nato. Makakita siya sa kada hunahuna sa tawo, bisan asa og bisan kanus-a. Ako mag-ampo sa ngalan sa Ginoo nga ikaw maghimaya sa Diyos pinaagi sa imong balaang pulong og binuhatan.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa'ng lihoc sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-

anan pinaagi lamang sa dugo ni Hesu Kristo.

4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles' Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga Balita

Published by Manmin Central Church

Bisayan

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminministry@manmin.org
Publisher: Dr. Jaerock Lee
Managing Editor: Geumsun Vin

Susiha ang Imong mga Daotang hunahuna

Ang 1 Corinto 13:4-7 naghigot sa 15 ka klase sa espirituwal nga gugma. Usa nila mao ang gugma dili masuk-anon. Kini nagpasabot sa hunahunang daotan. Unya, unsa na kadaghanon ang espirituwal nga gugma nga naa nimo isip anak sa Diyos? Pinaagi sa pagtan-aw sa tulo ka klase sa daotang hunahuna og sa pagsusi sa imong kaugalingon, palihug palayasa dayon ang matang sa daotan og kab-ota ang nindot og maayong espirituwal nga gugma.

Naghunahuna kaba og kadaot para sa uban?

01

Kon naa kay nakita nga ang iyang pag eskuwela mas maayo kay nimo o ang negosyo sa uban mas malampuson kaysa imong negosyo, og kon manghinaut ka nga ang iyang pag eskuwela o ang iyang negosyo dili magmaayo, kana daotan nga hunahuna. Panaglitan ang imong silingan nga walay maayong relasyon diha nimo gi dimalas. Kon ikaw naghunahuna nga, ‘Nindot! kahibaw ko nga mahitabo na!’ Kini daotan nga hunahuna.

Kon naa kay tinuod nga gugma, dili ka maghunahuna og daotan. Gusto ka nga ang imong mga minahal sa kinabuhi perming baskog og layo sa aksidente. Tungod kay wala ka may espirituwal nga gugma diha sa imong dughan, gusto ka nga magkadaot-daot ang ubang tawo og malipay ka sa ilang kaguol. Unya, gusto sad kang mahibalo sa sayop og mga kalapasan sa uban aron ipamalita.

Panaglitan niadto ka og miting, og naay nag estorya og bati

para sa usa ka tawo. Kon interesado ka sa maong panagtabi, dinhi, kinahanglan imong susihon ang imong dughan. Kana nagpakita nga naa kay tinguha sa pag tsimis sa uban. “Kon buot kang higugmaon sa katawhan pasayloa sila sa ilang sayop nimo. Ang paghandom sa mga sayop makabungkag sa panaghigalaay” (Panulthion 17:9).

Katong maayo og naay gugma diha sa ilang dughan magsulay og tabon sa sayop sa uban. Og kon naa tay espirituwal nga gugma, dili ta masina kon ang uban malampuson. Gusto hinuon ta nga sila mo lampus og higugmaon sa uban. Ato hinuon silang ipanghinaot og iampo sa kinasingkasing bisan niadtong mga tawong naghimo og daotan ngari nato sama sa nahisulat sa Roma 12:14, “Pag-ampo kamo sa Diyos nga panalangin niya ang nagpasipala ninyo – panalangin niya og dili tungluhon.”

Wala ka ba mo husga sa uban?

02

Kon naa kay espirituwal nga gugma diha sa imong dughan, una sa tanan, wala gyud kay bisan unsang klase sa daotang hunahuna. Bisan pa og makadungog ka og dili maayo anang tawhana, dili gyud ka mo husga niya, gawas kon imong sutaon pag-ayo ang hitabo. Kon nahigugma ka anang tawhana imo lang sulayan ang paghunahuna og maayo.

Apan karon, atong makita nga ang tawo dali ra kaayong maghunahuna og daotan og daling mo sulti og dili maayo sa iyang isig ka ingon. Dili lang sa personal nga relasyon, manaway gani gihapon adtong naa sa pampublikong posisyon. Dili nila sulayan ang pagtan-aw sa tibuok sitwasyon kon unsa man gyud ang nahitabo, apan hinuon mo husga dayon sa uban basi sa iyang kaugalingon.

Sa Santiago 4:12 “Ang Diyos ray makahatag sa Balaod og maoy maghukom. Siya lang ang makaluwas og makalaglag.

Kinsa kaman nga maghukom sa imong isig katawo?” Panaglitan, naay nakasala. Ining sitwasyona, para niadtong naay espirituwal nga gugma dili na importante para nila kon ang usa nakabuhat man og sayop o sakto. Ilang hunahunaon kon unsa man ang makapaayo niya. Ang ilang gustohon mao ang paglambo sa iyang kalag og aron siya higugmaon sa Diyos.

Sama sa giingon sa Panulthion 10:12, “Makahimog kasamok ang pagdumot apan ang gugma mopasaylo sa tanang kapalasan,” atong gyung pasayloon ang ubang tawo og ato silang tabangan aron maghinulsol. Mahibalo gyud tang motudlo sa matuud og motandog sa ilang dughan aron sila makasubay sa insaktong dalan og aron mausab sila. Kon walay hunahuna sa paghusga sa uban, atong makuha ang tanan uban ang gugma og malipayon ta permi.

Naa kabay hunahuna nga supak sa kabubut-on sa Diyos?

03

Sa kalibutan, ang tawong nagpakabuhing maayo. Apan dili kini maoy sumbanan sa kamaayo. Kini dako kaayong sukwahi sa mga Pulong sa Diyos. Ang Pulong ra gyud sa Diyos ang hingpit nga sumbanan sa pagkamaayo. Kini tungod kay ang hunahuna nga dili pinasubay sa Pulong sa Diyos hunahuna nga daotan.

Sa 1 Juan 3:4 mabasa, “Ang nakasala naglapas sa balaod sa Diyos kay ang pagpakasala maoy paglapas sa balaod,” ang sala mao ang paglapas og pagsupak sa Balaod sa Diyos. Ang sala og daotan parehong bakak nga batok sa matuud nga mao ang Pulong sa Diyos. Kon atong i-kompara sa kahoy, ang daotan sama sa gamot nga naa sa yuta og dili makita, og ang sala sama sa mga sanga, dahon og prutas. Kung walay gamot, ang kahoy walay sanga, dahon og dili makapamunga. Mao nga, naay sala tungod sa daotan.

Tungod kay ang tawo naay daotan, maong makahimo og sala. Panaglitan, kung mo sulti kag bati ngadto sa imong gikasaligan, tungod kana sa daotang kinaiya nga naa nimo,

ang kasilag nigawas nipakita isip sala sama sa daotang pulong. Dinhi, kinahanglan nga atong masabtan nga bisan ang tawo naay daotan sa iyang dughan, dili sibo nga siya makahimo og sala.

Kon siya edukado, maminaw sa Pulong sa Diyos, og naay self-control, makalikay siya sa pagpakasala bisan pag siya naay daotan sa iyang dughan. Bisan pa, makab-ot lamang niya ang balaan nga dughan kon siya maningkamot sa pagpapahawa sa daotan nga naa sa kinahiladman sa iyang dughan. Ang tanan naay daotan nga nasunod gikan sa ginikanan, apan dili kini mahunahuna gawas kon ang tawo nabutang sa grabing sitwasyon nga maoy mopagawas ini. Mao nga sa 1 Tesalonica 5:22 mabasa, “Isalikway ang daotan.”

Ang gugma maoy katumanan sa Balaod. Mao nga, ang dili pagbaton og gugma supak sa Balaod. Og kini sala og daotan (1 Juan 3:23; Roma 13:10). Ang pagsusi kon kita nag masuk-anon ba o nagmadinumtanon atong hunahunaon kon nakaangkon naba ta og gugma. Tungod kay kita nahigugma sa Diyos og sa mga kalag dili ta masuko og magdumot.



“Ang Ginoo gideklara nga pinakamaayong Doktor sa Balkans og Europe’



Dr. Lyubka Tancheva (Direktor sa WCDN, Bulgaria)

Natawo ko gikan sa pamilya nga nagtambong sa Eastern Orthodox Church sa Bulgaria. Ang akong pamilya biniay-biay sa komunista og sa ateismong pang gobyerno, anang panahona kahibalo kaayo ko sa Diyos apan wala pa gyud ko maka kaplag Niya personal. Paghuman, ang komunistang pamunoan na hugno og ang mga katawhan nagkatibulaag uban ang kagutom sa espirituwal. Og akong nadungog ang ebanghelyo sa akong kauban og nidawat ni Hesus isip Manluluwas.

Karon, propesor ko sa ‘Institute of Neurobiology’ sa Bulgaria Academy of Sciences, og nag sabwag ko mahitungod sa Diyos Magbubuhay og sa Ginoo.

Ang WCDN, gasa nga hinatag gikan sa Diyos

Usa ka adlaw sa 2011, sa dihang miyembro ko sa ‘academic exchange council’, akong nakaila si Pastor Daniel Rozen, taga-Israel, pinaagi sa usa sa akong kaila.

Nagkita mi sa unang higayon sa WCDN’s 8th International Christian Medical Conference’ didto sa Brisbane, Australia. Ang WCDN (World Christian Doctors Network, www.wcdn.org) usa ka interdenominational-organization nga gitukod sa mga kristohanong doktor niadtong 2004 aron sa pagpamatuud sa sagradong kaayohan sa lihok sa Diyos basi sa medical-data. Ang organisasyon naghimo sa ‘International Christian Medical Conference’ kada tuig ubos sa ulohan nga ‘Spirituality and Medicine’ og nagpamatuud sa katinuod sa Bibliya pinaagi sa nagkalain-laing sagradong kaayohan nga gi-presentar

Sa tinuod, nakatambong ko og mga ‘Christian medical conferences’, apan ang kining gipasiugdahan sa WCDN – espesyal. Kini unang higayon nga nabati nako ang grabing presensya sa Espiritu samtang naminaw sa mga mensahe, sa presentasyon sa sagradong kaayohan, og mga panghimatuud. Nakakita ko sa lain-laing panghimatuud og kahibulongang milagro nga nahimo pinaagi sa gamhanang pag-ampo ni Dr. Jaerock Lee, Founder og Board Chairman sa WCDN. Kahibulongan kaayo, og lipay kaayo ko nga nakatambong sa komperensiya.

Balik sa Bulgaria, nakig-ambit ko sa grasya og emosyon nga akong nabati

sa maong komperensiya ngadto nila ni Pastor Ivan Hazarbassanov sa Christian Center Sophia. Unya, niabot nila ang kaikag og nagsugod sa pagpangalagad sa WCDN sa Bulgaria.

Napuno ko sa Espiritu pinaagi sa pagpangalagad ni Dr. Jaerock Lee

Ang akong kristohanong kinabuhi labaw’ng nadasig pinaagi sa pagpangalagad sa WCDN. Nagsugod ko og basa sa mga libro ni Dr. Lee sama sa *Heaven I & II*, og sa iyang awtobiograpiya *My Life, My Faith* nga akong nadawat didto sa Australia. Sa pagbasa ang akong kinabuhi napuno sa grasya og kaalam gikan sa taas, napuno ko sa Espiritu. Lipay kaayo ko sa mga libro ni Dr. Lee!

Karon nagbasa ko sa *The Message of the Cross*, nga maoy kinauyokan sa ebanghelyo nga nagpakatag sa tinuod nga gugma ni Hesu Kristo. Espirituwal kaayo og sayon sabton, mao nga espirituwal og lawum kaayo kong natandog sa iyang mga libro. Akong nahunahuna ang gugma sa krus nga puno sa pagbati. Kini mensahe alang sa tanang Kristohanon.

Oktobre 2013, nibisita ko sa Manmin Central Church sa South Korea uban ang dughan nga nagkiskisi sa pag saksi sa pagpangalagad sa Manmin og pag eksperyensya sa mga timailhan, kahibulongan, og sa inspirasyon sa Espiritu. Ang kristohanong kinabuhi sa mga miyembro sa simbahan nindot og talagsaon. Akong nabati ang kapuno sa Espiritu og kainit nga wala nako mabati sa European Churches. Ilang gi konsiderar nga ang matag usa bililhon, nindot ang panang-estorya, og naghalad og pagsimba sa Ginoo uban ang dughan og hunahuna.

Grasya kaayo nga personal nakong nakita si Dr. Lee nga maoy maayong nakatuman sa world mission og naghimog mga overseas crusades. Mapaubsanon kaayo siya nga nakatandog nako. Iya kong gipangutana sa sitwasyon sa mga kristohanon

sa Bulgaria. Ako siyang gisultian sa sitwasyon sa European Christianity nga nawala na ang pagka puro sa ebanghelyo dili pareho sa unang panahon. Ako pang gipun-an, “Naglaum ko nga daghan pang makadawat og mga grasya og mahigmata sila pinaagi sa Bulgaria conference.” Niingon si Dr. Lee nga gusto siyang mo tabang, og nakadasig kaayo nako.

Naglaum ko nga ang tibuok Balkans og Europe mabag-o pinaagi sa gahum sa Diyos

Oktobre 2013, akong nasaksihan ang kahibulongang lihok sa Espiritu nga nahitabo didto sa Israel. Nitambong ko sa Israel Crusade ni Rev. Soojin Lee, didto sa International Convention Center, Haifa Israel, aron sa pagpundok sa mga panghimatuud isip miyembro sa WCDN.

Daghang doktor gikan sa Palestine, Ukraine, U.K., Bulgaria, og India lakip na sa tanang lugar sa Israel niapil sa trabaho. Ang mensahe ni Rev. Lee makapahinuklog og ang mga pasundayag nindot kaayo. Labaw sa tanan, daghang tawo naghuwat sa linya aron manghimatuud sa ilang kaayohan. Nahibulong kaayo ko. Lipay kaayo kong nakakita sa mga kaayohang nahitabo.

Human sa pag-ampo ni Rev. Lee sa mga masakiton uban ang panyo sa gahum nga inampoan ni Dr. Jaerock Lee (Buhat 19:11-12), ang mga tawo nagsugod og hatag sa panghimatuud sa ilang kaayohan, sama sa kaayohan sa sakit sa likod, knee-pain, sakit sa bagtak, kaayohan sa mata og dalunggan, og kaayohan sa tanang klase sa kanser og patol. Gipasalamatan nila ang Diyos. Daghang klase sa panghimatuud nga napundok sa lamesa sa WCDN. Kini panahon nga akong pausbawon ang akong panglantaw aron ang gahum sa Diyos mailhan ngadto sa mga tawo isip Kristohanon.

Karon, isip director sa WCDN-Bulgaria, nag andam ko para sa ‘11th International Christian Medical Conference’ nga pagahimoon sa Sophia sa Mayo 2014. Ang akong dughan murag gipukpuk tungod kay nangulekta ko og mga medical-data aron sa pagpamatuud nga si Hesu Kristo ang pinaka maayong doktor nga makaayo sa espiritu, kalag og lawas sa tawo. Nag ampo ko nga ang kalayo sa Espiritu mo dilaab sa Balkan Peninsula og Europe.



Mga Sangay ng Ministeryo ng Manmin sa Pilipinas

Manila Manmin Holiness Church

441 Patato St, J-Figuera
Sampaloc, Manila, Pilipinas
Pastor Peter Bae
Pastor Lucy Lee
2-735-1423

Bataan Manmin Holiness Church

067 Daang Bago, Dinalupihan,
Bataan, Pilipinas
Pastor Peter Bae
0910-262-5465

Isabela Manmin Holiness Church

Purok 3, Brgy, San Roque, San
Mateo, Isabela, Pilipinas
Pastor Peter Bae
Pastor Lucy Lee
0905-649-1120

Cavite Manmin Holiness Church

5 Lot 33 Bk 1, Canutuhan (tenant),
Santiago Gen.Trias, Cavite, Pilipinas
Pastor Sharon Cho
046-850-3193 /
0916-674-3903 /
0905-319-8191

Imus Manmin Holiness Church

Blue Bell St. Plaridel III Sub.
Bayan Luma 7, Imus Cavite,
Pilipinas
Pastor Jubeom Kim
0927-311-7633

Cebu Manmin Holiness Church

LOT N. 402 - B-4
Looc Along Side The Canjulao
Road, Lapu-Lapu City Cebu,
Pilipinas
Pastor Rossetta Sung
0921-635-7595

Davao Manmin Holiness Church

301 Ilang Ilang St. Flores
Village, Bangkal, Davao City,
Pilipinas
Pastor Kathryn Kim
0908-635-2714